

Aningaasaqarnermut Ataatsimiititaliap suliaq nr. 01.31.06/08-00312 pillugu sisamangornermi ulloq 6. marts 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 21. februar 2007-imi ataatsimiinneranni imm. 2d)

Kalaallit-qallunaat Namminersorneq pillugu Isumalioqatigiissitaani 2008-mi aningaasartuutitut Namminersorerullutik Oqartussat akileeqaataassutissaannut aningaasalersuutissanik ilassutitut aningaasaliissuteqarnissamik qinnuteqaat

Naalakkersuisut **inassutigaat,**

- kontomi pingaarnermi 10.01.18-imi, Kalaallit-qallunaat Namminersorneq pillugu Isumalioqatigiissitaanut tunngasumi, 1.545.000 kr.-it aningaasaliissutit ilanngunneqassasut aammalu
- kontomi pingaarnermi 20.11.50-imi, Ingerlatsinerneq pillugu Isumalioqatigiissitaanut tunngasumi, aningaasaliissutit taakku annertoqataannik 1.545.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Namminersorneq pillugu Isumalioqatigiissitat sulinerata kinguaattoornera pissutigalugu isumalioqatigiissitat 2008-mi aningaasartuutaannut kalaallit akileeqaataassutissaannut matussutissatut 1,5 mio. kr.-inik ilassutitut aningaasaliissuteqarnissaq Naalakkersuisut suliami matumani qinnutigaat.

Tassunga atatillugu aningaasaliissuteqarnissamik pisariaqartitsineq ingerlatsinerneq pillugu Isumalioqatigiissitat ilanngaanikkut ingerlannagu Naalakkersuisoqarfiup iluani taartitut sipaaruteqarnikkut matussuserniarneqarsimasariaqaraluartoq Aningaasaqarnermut Ataatsimiititaliap isumaqarpoq. Taartituli sipaaruteqarnissamut periarfissaq isumaliutigineqarsimanersoq isummernissamut tunngavissiami allassimangilaq.

Aningaasaqarnermut Ataatsimiititaliap aalajangiinera

Siuliani allassimasutut paasinninneq tunngavigalugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua